

詩賦

出山州

新梧草

翁均樓集

新學
好學
PDG

善本

序

詩有真情。有真景。情因景而寓。景因情而傳。故鑒堂而出者。必非訪也。

筠樓二兄以名解元。研精風雅。釋褐後。家居奉母。講業授徒。新梧片席。八友周旋。蓋久不作出山想矣。繼而我蒿痛鉅。土愁多。寂更傷心。各親用。送憑需次。逾。

昭作吏一行。故其悲愛折鬱之意。征進
所歷。往、寄之於詩。而性愛佳山水。凡遇
一景。必停車延佇。興之所到。肖物成形。以
集中。象口道中。及江郎石仙霞嶺諸作。
皆曲盡其妙。正如王漁洋登凌雲山。
盤松溪之什。林竹斑、鳥啼花。暝不至
其地。不知其詩之工也。全帙甚夥。存者

不過十之三四耳。余初與筠樓識面於
銀同。便相見恨晚。不數年筠樓先仕南
溪。余亦宰梓潼。葭萌驛畔。焚道渡頭。雖
間隔計千餘里。郵筒往復。殆無虛日。而
今閑兩度。短燭連床。擬之已山聽雨。抑又
過之。每為披吟。便覺故鄉風景。歷歷在
目。而筠樓早已畫之於奚囊行篋中。

噫。痛。筠樓之詩。乃可以知筠樓之人。蓋
唯人真。而其詩亦真。而筠樓亦以余為
真。故相視而莫逆。如是。小草遠志。當不
復以謝安石語相品評可耳。乾隆歲乙
卯九月中澣。愚弟張金銘拜題。

出山草

莆田翁

一字筠樓

將入都需次留別林韋亭先生

魯殿靈光仰老成。多時林下解塵纓。藏春半塢鶯聲軟。計壽千年鶴貌清。異姓誼真逾骨肉。間居訓更佩生平。無端遽作登堂別。豐水橋頭不盡情。

一枝借處久懷安。局促深知事事難。此意可堪嫌薄宦。無才況合作粗官。書修舊篋仍留癖。衣却輕綿免戒寒。爲語長途自珍重。不煩努力囑加餐。

梨棗爭傳壽世長。周情孔思接茫茫。

先生時新註易經集義付梓

張參老去鈔

書遍。王粲迎時倒屣忙。別後無能忘几杖。歸來重許伴縑緇。耐煩

知止。由中語。敢負芙蓉一片章。

時得芙蓉石臨行自篆小章一曰耐煩一曰知止

竟日追隨興未闌。好山入戶水環欄。事當無奈惟歡笑。語到將行轉慰安。遲暮功名宜自勉。勤劬職分敢辭難。折腰但恐陶潛去。多被黃花冷眼看。

竹崎食楊梅

薄幕停舟處。鮮新見紫囊。微酸纔沁齒。內熱已侵腸。客地剛名竹。君家是姓楊。何因誇對客。得遣小兒嘗。

微果何曾嗜因之念故鄉園林携下
到婦女嗽爭忙蜜向籃頭揀

莆楊梅以白者
為佳名白蜜

鹽宜甕裡藏今朝供旅食記節又端陽

過秀嶺

恰是朝天

橋名

第一程層層石磴逼
高浮嵐未斂日初出人在蒼

松梢上行

清風嶺

廿年臘酒此追陪

庚寅歲曾
在此過年

驛使相逢共折梅
今日輕裝重過嶺

清風應認故人來

劍浦

吁嗟乎三水分派奔長流極浦下有蛟龍湫行人對此不敢唾
天波浪齊混浮神物當合語終驗一躍入水隨相投想其精神所
對召頃刻欲待難遲留之而鱗爪歛生動雙雙匹配仍爲儔頑鐵
三尺土花蝕棄之何啻如懸瘤五花共從池上採尺木還望天門
遊噓雲作雨平生事坐使大澤均神州空潭寒水特其寄可等失
劍啗刺舟竭來此地值絲雨暮潮漲起濃雲稠高閣徘徊歷梯上
空梁寂寞巢魑魍張雷二像亦湮沒

閣舊有張茂先
及雷煥像今廢

何處精光尋

斗牛細思物理坐延佇推測誰得知其由腰間耿耿視長劍臨江

大嘯風颼颼

邱墩道中

急瀑奔流下蒼茫極目遙兩山疑入峽一水似迎潮風雨時多異

亭臺蹟半銷野船忙呼渡况復少浮橋

墩有路亭頗麗今毀又水漲浮橋解開

住八仙塘

且住爲佳耳肩輿那計程

是日行二十里

山晴添石氣水漲失灘聲諸景

因窓爽孤懷得竹清依稀鄉土勝坐對最分明

地劇似莆瀨溪景

獨坐深宵候揚暉照客程虛牕涵燭影遠寺度鐘聲車馬神粗定

風塵氣亦清吟詩懷杜老月是故鄉明

建寧旅店寄及門吳成韓

吳近學畫

遠樹籠雲影半低微茫城郭隔江齊畫圖恨不同君展煙雨推篷
上建溪

船燈漁火點江邊人倚樓窓夜未眠宜雨宜晴看盡好都緣此景
是天然

過九姜

仄經沿溪過紫紆一帶長天纔回卯色路轉繞羊腸泥滑拖人跡
林深掛客裝行行看欲盡一笑對斜陽

九姜阻雨

欹枕難成寐披衣坐幾迴雷聲鳴白鳥雨點落黃梅聊復開書帙

無心問酒杯惟聞山澗水屋後响喧飀

食鰕魚

舉網逢新得流涎似麪車貫宜穿柳葉肥尚帶桃花醬豉看隨下
薑橙囑細加晚餐欣大嚼丙穴未爲嘉

九姜早行

籃輿乘曉發不礙雨廉纖石筍安魚扈蘆花掛蟹簾山程隨帙補
詩料入囊添況有芭蕉葉陰陰覆短簷

建寧道中

雲谷連緜接紫霞此邦鄉土古稱嘉斜風短袖親漚苧細雨輕筐

對揀茶幾樹棕櫚園客舍一邊箐竹露人家篋篷日暮灘船盡孤棹橫溪是釣槎

象口道中望村居

一山臨水立人即依山居門前溪水到澹沲同清渠其旁橫略約取勢何紆餘似必資結束乃得成村墟是時新雨過衆綠齊扶疎秧田界似罌蔬園交連區山泉分竹筧高下排春廬不知泉奔注但見翻水車此中多畫景浣筆難傳諸思欲從之往催促聞肩輿憑詩寫邱壑小立遲須臾

又

平生具畫癖拂幘神爲舒謂是山水勝閉戶堪相於卧遊宗炳壁
緘閉長康厨神逸及能品評定無留餘顧劇愛澹遠尤貴含清腴
假使枯與寂耳食雲林迂營邱摩詰見寧足供揶揄似茲村落景
得意誠何如過焉而不著諸妙生於虛胸中有邱壑此語還起予

浦城道中

三里亭連五里亭

浦邑隔二里
許即有路亭

柘陰古樹已飄零愛他風雨庇人

處輕喚征車爲少停

亭陰覆稱短長橋橋畔圍欄儘到腰一樣賣餠成小市晚來只少
聽吹簫

臺笠東畝帶雨忙農功大半類吾鄉惟餘一事差堪異節過黃梅
尚插秧

浦烟名匹武夷茶露葉新抽得價加自揀色絲鈴小印家家香草
是生涯

仙令風流不可攀生花遺瓣落人間大湖行盡仙陽過
俱嶺名 仰首

先看夢筆山

行義書傳見典型大儒綽楔煥丹青客來未拜先生像辜負漁梁

幾度經

真西山先生祠在城內祠前坊額大儒
二字近新修以雨甚未得拜謁爲憾

擬重遊夢筆山不果

遊興如奕棋寸步不可強我昔柘浦來山先夢筆仰其時值小春
風日正清朗却裝付居停予便獨往仄路緣紆迴層岡瞰平敞
入門苔徑深綠痕似新養瞥見紅天竹珊瑚掛鐵網訝是筆花光
五色尚餘晃徐尋江令居招提接下上風幡影俱靜鐘磬聲自響
竊謂茲境佳說夢徒惆恍彈指十二年追思宛疇曩客路重經過
雨氣乃蒼莽簷牙滴溜懸濃雲壓低幌欲學謝公興泥封屐齒兩
始知咫尺間卧遊亦惘惘所以宗少文祇合四壁賞作詩謝山靈
因風寄寤想

漁梁夜宿

過十里即
浙江界

名山四大共峯

天下四大名山漁梁在焉即此本書影

過嶺程途第一宵留客且

看閩嶠月逢人欲問浙江潮黑煤理火烟初觸絳蠟生花影半搖
忽聽瓦聲猶訝雨經旬最怕此蕭蕭

交界亭

方麪持來暑氣薰數家茅舍點微雲引涼愛聽村人語此是鷄鳴

三省聞

地界浙江江西俗有鷄鳴三省聞之語

仙霞嶺

摩雲絕頂有亭臺形勝崔嵬亦壯哉峻嶺不知何地起雄關信是
自天開萬篁園裡留僧住一鳥飛邊見客來甌茗憑闌爲小憩空